

LASARTE-ORIAKO UDAL OSOKO BILKURARI

**Maskaren derrigorrezko erabilerari buruzko mozioa**

Osasun-agintariak eta Osasunaren Mundu Erakundeak (OMS) adierazi dutenez, txerto eraginkor bat ez dugun arte, birusa zabaltzea saihesteko modurik onena da distantzia soziala mantentzea, maskarak modu orokorrean erabiltzea eta askuak oso maiz garbitzea. Hori kontuan hartuta, maiatzaren 19an, SND/422/2020 Aginduaren bitartez, maskarak derrigorrez erabiltzeko baldintzak arautu ziren sei urtetik gorako biztanleentzat eremu publikoan, aire zabaleko espazioetan eta erabilera publikoko edozein esparru itxitan, betiere pertsonen artean bi metroko distantzia mantentzea ezinezkoa denean.

Osasun eta Farmazia Sistema Nazionalako Zerbitzu Komunen Zorroaren Zuzendaritza Nagusiaren 2020ko apirilaren 22ko Ebazpenean ezartzen dira salmenta publikoko gehieneko prezioak bai erabilera bakarreko maskara kirurgikoetarako (0,96€ maskara bakoitzeko) bai gel eta soluzio hidroalkoholikoetarako (0,015 eta 0,021 €/ml bitarte). Hala ere, maskarak ez dira doakoak izango, eta horiek hornitzeak gastu handia ekarriko du familia askorentzat, hain zuzen ere maskaren erabilera-denbora mugatu delako eta eguneroko bizitzan bisitatzen ditugun ia eremu guztietan erabili beharko ditugulako (supermerkatuak, dendak, tabernak, saltokiak, lantokiak...). Elkarrekin Lasarte-Oria Podemosen uste dugu Lasarte-Oriako udala eta Eusko Jaurjaritza lanean hasi behar direla, bakoitza bere eskumenen barruan, biztanleei maskarak hornitzeko modurik onena bilatzeko eta, horrela, neurriaren ondorio ekonomikoak arintzeko.

Inguruko hainbat udalerritan dagoeneko banatu egin dira erabilera bakarreko maskara kirurgikoak biztanleen artean, hainbat metodo erabiliz (postontzietan, zuzenean eskura eta bizikidetzeta-unitate bakoitzeko txartel batekin gaitutako makina automatikoen bitartez, adibidez Eibarren). Hala ere, duela gutxi, mikrobioen aurkako ehunekin egindako maskara higienikoak atera dira merkatura, garbitu eta berriro erabili daitezkeenak. Horrelako maskarak banatzea onuragarria izan liteke, etengabe hornitzeko beharra ekidingo lukeelako eta hondakin kantitate txikiagoa izango litzatekeelako, maskara kirurgikoekin alderatuta.

2015eko maiatzeko udal-hauteskundeetan Ahal Du Lasarte-Oria Puede izenarekin aurkeztu ginen hautesle-talde gisa, eta legegintzaldia bukatu zenean, 22.112,31 euroko aurrezkoa geneukan metatuta. Diru hori udalak talde politikoei beren jarduera garatzeko ematen dien dirutik atera zenez gero, legegintzaldia amaitu zenean soberakina udalera itzultzea erabaki genuen. Oraingo krisi sanitarioa ikusita, eta bizi dugun egoera sozioekonomiko larria kontuan hartuta, ADLOP taldeak itzulitako diru-kopuru hori zuzenean hiritarren onurarako erabili dadila eta biztanleen artean maskarak banatzeko erabil dezatela eskatzen dugu, bereziki kalteberatasun sanitarioko zein ekonomikoko egoeran dauden biztanleentzat.



Horregatik guztiagatik, Osoko Bilkurari proposatzen diogu honako akordio hauek hartzea:

1. Udal Gobernuari eskatzea Lasarte-Oriako hiritarrei maskarak hornitzeko mekanismoak ebaluatu eta abian jarri ditzala, lehentasuna emanez kolektibo kalteberei (65 urtetik gorakoak eta zailtasun ekonomikoak dituzten pertsonak), egokitzat jotzen duten bitartekoa erabiliz eta maskarak erabiltzeko derrogorrezkotasuna amaitzen den arte.
2. Mekanismo hori ADLOP taldeak 2019ko abenduan itzuli zuen 22.112,31 euroko diru-kopuruarekin abian jartzeari bultzada ematea.
3. Eusko Jaurlaritzari eskatzea maskaren erosketa 'e-errezetaren' bitartez diruz lagundu dezan, Euskadiko biztanle guztientzat maskaren kostua irisgarriagoa egiteko.
4. Eusko Jaurlaritzari eskatzea FFP2 motako maskarak hornitu ditzala horrelako maskarak erabili beharra justifikatzen duten aurretiazko osasun-arazoak egiaztatzen dituzten pertsonentzat.

Lasarte-Orian, 2020ko ekainaren 4an

Elkarrekin Lasarte-Oria Podemosen bozeramailea



David Ares Rodríguez

